



1474

kat.komp

Mag. St. Br.

P


1474 I

Septem Sidera [Wyd. Jan Brożek].

(Cracoviæ, In Officina Francisci Cæsarii), [1629].

Odnaleziony we Fromborku poemat religijny *Septem sidera*, wydany w 1629 roku przez Jana Brożka jako autentyczne dzieło Mikołaja Kopernika. Dziś wiadomo już, że dzieło to nie wyszło spod ręki toruńskiego astronoma.





Poëta 1276

Copernici Nicolai: Septem sidera.

Mag. St. Dr.




1474


POËTAE POLON.

N. 19.












632/v/66

I.

SEPT E M  
SID E R A.

62





1474I

BIBLIOTHECA  
UNIV. IAGELLONICAE  
CRACOVIAE

i



# VRBANO VIII. PONTIFICI Optimo Maximo.



REGIS Regum incunabula & pueritiam, Beatissime Pater, septem tabellis Tuæ Sanctitati offero. Nouum est picturæ genus. Non enim lignum, non æs, non tela defert istas imagines, sed cælum. Coloretiam in densissima nocte spectabilis. Artificium porro tantum, vt vel Apelli non cedat: dubito an non superet. Quadraginta octo imaginibus antiquitas cælum distinxerat: in his autem multa fabulosa, vt ex Higino alijsq; patet. Displicuit authori nouæ picturæ, splendori cælesti tenebras fabularum permistas esse. Veritati lucem, luci veritatem iungere aggressus, pri-



has tantum duxit lineas: paulò tamen ante mortem  
commisit bono artifice colores inducendos. Hoc  
artis arcanum per aliquot iam manus à Copernico in  
Academia IAGELLONIA iuit. De quo cùm e-  
go à præceptoribus secretò didicissem: vt certiora  
haberem, in Prussiam abij. Tacendo quærebam,  
veritus nè tam præstans inuentum, vel potiùs inuenti  
residuum meas manus effugeret, vel vt isto sæculo  
ingenia æmula sunt non docilia, quoquo modo auer-  
teretur. Ac tandem ab Illustrissimo piæ memoriæ  
SIMONE RVDNICIO admissus ad veteres Var-  
miæ bibliothecas, quarum nonnullas iam violenta  
manus inuasit, dum nihil contemno, dum minutis-  
simas etiam chartulas, quibus boni artifices aliquan-  
do præstantissima inuenta breuiter committunt, ex-  
cutio: ad illud Archimedæum *εὐρηκα, εὐρηκα,* ventum  
est. Deiecit antiquas quadraginta octo imagines,  
nouas quadraginta nouem induxit, fortasse ob septe-  
narij dignitatem, vel quod magis credo, vt medium  
haberet



haberet ab extremis æqualiter distans. Quæ enim tabella huius septenarij, illa quoq; totius seriei media est, hoc est vicesima quinta. Deus bone quàm pulchra! quàm nitida! quàm omnibus sæculis atq; locis communis! Singuli versus stellæ sunt, nulli elisioni, vel vt Mathematicè loquar, nulli Ecclipsi obnoxia. Iam ante sedecim annos præmissis primo prodromo, de hac re nonnihil indicaueram: deinde ante decem cùm in Italiam irem, altero sub auspicijs Illustrissimi & Reuerendissimi Domini, Domini MARTINI SZYSZKOWSKI, Dei Gratia Episcopi Cracouiensis: eorumque exemplaria nonnulla minuta forma Romam ad amicos meos, nominatim verò Reuerendum Dominum ABRAHAMVM BZOVIVM transmiseram. Sed & ad alios per Germaniam. Viderintne illa Bayerus aut eius successores, Deus quidem nouit. Certè neq; iisdem principijs, neq; iisdem medijs, & si ad eundem finem insistant. Examinabuntur hæc vti existimo ab ijs qui



felicitissimum Lynceorum institutum sequuntur. Li-  
cebit cuiq; pro suo arbitratu cælum, quod in hæredi-  
tatem cunctis relictum est Plinio teste, distinguere.  
Ego hanc dispositionem à primo inuentore Coperni-  
co Sanctæ Sedi Apostolicæ destinata ex antiquis  
Bibliothecis produco : Tuæque Sanctitati

*Magne parens , ter sancte parens , cui credita cali  
Imperia , auspiciis dudum firmata Deorum*  
supplex offero. Liceat enim vti tui doctissimi Va-  
tis carmine. Deus Te Beatissime Pater Ecclesiæ  
Sanctæ diutissimè conseruet, vt Meliphtongæ Tuæ  
Apes mel suauissimum publicæ per orbem tranqui-  
litis proferre nunquam cessent.

*Sanctæ Apostolicæ Romanæ Sedi,  
Et Tuæ Sanctitati  
obsequentissimus*

*Ioannes Broscius Doctor Medicinæ, Bacca-  
laureus Sacræ Theol. Et eiusd. facultatis Or-  
dinarius in Acad. Crac. Professor.*





## S I D V S I

Christum à Prophetis promissum proponit.

**P**romissum cupitis cernere principem,  
Qui vos in populum quandoq̃ liberum  
Prestans asserat heros,  
In regnoq̃ suo beer.

Expectate parum, mox aderit pius:  
Non est is Pario marmore durior,  
Nec quisquam citus æquè  
Votis annuit optimis.

*Sed*



*Sed differt animi consilium sui,*

*Vt desideris feruidioribus*

*Expectatus hic hospes*

*Possit gravior excipi.*

*Cum verò veniet Pastor Olympius,*

*Tum distenta ferent ubera candido.*

*Plena lacte capelle,*

*Plena pignorbis bonis.*

*Non iumenta ferus disiciet Leo,*

*Mulcebit pauidam mitis ouem Lupus,*

*Hic nascetur amomum,*

*Illic cinnama, saccarum.*

*Pascet lanigeras Pastor ouiculas,*

*Omni leta dabit pascua copia,*

*Uno*



*Vno millia fonte*

*Potabit sitientia.*

*O fons perspicuo splendidior vitro,*

*Summis orte citra principium iugis,*

*Huc delabere tandem*

*Gentis pelle tua sitim!*

## S I D V S I I.

Christum à Patribus desideratum  
proponit.

**C**VR sic aula domus empyree patet?

Et sol ante latens clarior emicat?

*Dulci mella liquore*

*E duris scopulis fluunt?*

*B*

*Mundus*



*Mundus bellipotens attonitus flet,*

*Pulchris leta nitent arua coloribus,*

*Miro fragrat odore*

*Aër his nimium locis?*

*Pregnans Helisabeth quae sterilis fuit,*

*Cum pregnante canit virgine carmina,*

*Claro iubila plausu*

*In summos abeunt polos.*

*Illam saepe frequens Angelus in domum*

*Leta fronte volat, letior euolat:*

*Regem nunciat illum*

*Qui venturus agit moras.*

*O summi soboles inclyta principis*

*Pura nascere iam, nascere virgine!*

*Iam*



*Iam descende paterno*

*Expectate nimis sinu!*

*Te desiderio poscimus intimo,*

*Consolare pios ocius anxios.*

*Eia vise supernè*

*Imam paruule patriam!*

*Felix ante sacras una puellulas,*

*Quæ caeleste suo fert utero decus!*

*O aurore serenum*

*Velox Luciferum vehe!*

**S I D V S III.**

**Christum de virgine natum præ-  
sefert.**

**B 2**

*Quis*



**Q**uis fulsa posuit te puer in casa?  
Quis ladi tenerum frigoribus vetat?

Virgo summa M A R I A

Qua flauam religat comam.

Simplex munditiis dotibus aurea,

Quam semper nitidam, semper amabilem,

Sanctus Spiritus aura

Celesti replet intime:

Natum virgineo confouet in sinu,

Et lactat niueo nobilis ubere,

Dat solatia flenti

Mater sedula filio.

Hinc bos, hinc asinus creber anhelitu

In terra posito te refouet genu.

Quem

*Quem plebs nosse negabit,*

*Hunc norunt animalia.*

*Descendit superis huc quoque de polis*

*Cantans Angelicus cum radiis chorus :*

*Summo gloria Patri :*

*Pax sit pacis amantibus.*

*Ad præspe sono protinus exciri*

*Pastores veniunt à grege simplici :*

*Christo gloria nato :*

*Pax sit pacis amantibus.*

*Celum dulcisonis carminibus sonat,*

*Per mundi resonant iubila machinam :*

*Vni gloria trino :*

*Pax sit pacis amantibus.*

B 3

SIDVS



S I D V S I V.

Christum iuxta legem circumci-  
sum declarat.

**L** Vx octava suo lucet in ordine:

**L** Lux divina nova lucet origine:

Infans nomen IESVS

Circumciscus habet datum.

Ex hoc annus habet principium die

Quo primum voluit fundere sanguinem

Nuper natus IESVS

Largis non sine lachrymis.

Omnes huc homines currite perdit:

Hic est nostra salus vnica paruulus:

San-

*Sanctum nomen IESV*

*Nomen nempe salutis est.*

*Si quis iuncta videt damna periculis,*

*Amisissq̃ timet pauperiem bonis :*

*Hunc ditabit IESVS,*

*Illum si pius inuocet.*

*Si cui Leniathan insidias parat :*

*Si mundus satagit vel caro fallere :*

*Hic exoret IESVM*

*Fiet tutior illico.*

*Si quem tabificus morbus habet diu :*

*Si cum terribili morte premit pauor :*

*Se commendet IESV*

*Et solatia sentiet.*

*Hoc*



*Hoc quicumque nouum nomen amabile,*

*Per concepta sibi vota vocauerit,*

*Hunc seruabit IESVS,*

*Fretum presidio suo.*

S I D V S V.

Christum à tribus Magis adora-  
tum exhibet.

**Q**uod fulget medio sidus in aëre,  
Hanc reges Ephrata ducit ad insulam.

*Ecquem vultis ? IESVM ?*

*Ista sub casula latet.*

*Ingressi stabulum sternimini solo,*

*Et proni puerum corpore paruulum,*

*Regem*

Regem mente supremum

Confestim veneramini.

Surgentes humili poplite cernui,

De gazis puero munera promite,

Aurum, Thusq; Sabeum;

Et myrrha lacrymas grauis.

Nunc vultum pueri cernite blandulum:

Nunc cum matre licet Virgine colloqui:

Hic est noster IESVS:

Huic nomen MARIAE manet.

Hunc olim Balaam pollicitus fuit

Visurum Dominum se procul impius:

Hæc est stella Iacobi

Splendens gentibus ex domo.

C

Specta-



*Spectatum satis est iam Proceres pij:*

*Gentes ista sciant nuncia plurima:*

*Promptis ite camelis,*

*Pergentes aliam viam.*

*Herodes etenim rex nimis improbus*

*Est vulpes animo callida subdolo,*

*Mox mactaret JESVM*

*Hic si nosset eum fore:*

**S I D V S V I**

**Christum in templo præsentatum  
manifestat,**

**P** *Resagit mihi mens nescio quid boni:*

*In templum placidus nos animus vocat.*

*Si*

*Si dignaris eamus*

*Mox, mox mi Simeon senex.*

*Aras summus adit suspice Pontifex:*

*Et de more sacras immolat hostias:*

*Diuersis holocaustis*

*Ita celo redolens odor.*

*En præstans humili mente puerpera*

*Offert hunc Domino filiolum Deo:*

*Torquatasq; columbas,*

*Crepans cereolum sacrum.*

*Hanc matrem reliquo consimilem gregi,*

*Lustrariq; suo cum puero putant:*

*Atqui virgo pudica*

*Sanctorum Dominum gerit*

*C 2*

*A quo*



*A quo tanta precor lumina dimicant ?*

*An sol totus in hanc insiliit domum ?*

*Hac lux fulget ab ara ?*

*Non : hoc à puero venit.*

*Tardos accelera mi Simeon gradus :*

*Vlnis & puerum suscipe seruidis :*

*Huius lumine vultus*

*Iam vultum satia tuum.*

*Hunc in te residens Spiritus innuit*

*Quem visurus eras esse Deimicans*

*Lumen lumine Christum :*

*Nunc in pace mori iuuat.*

**S I D V S V I I.**

**Chri-**

Christum puerum inter Doctores  
duodennem collocat.

**A**D Christum puerum nunc pueri boni  
Accedendo piis dicite voculis:

*Felix hospes IESU*

*Expectatus ades diu.*

*Eequid queso vales? unde redis precor?*

*Ut cessere tibi dic age singula?*

*Nam nos multa pericla*

*Vexauere miserrimos.*

*Herodes furiis impius horridis*

*Accensus, pueros undiq; bimulos*

*Collectos, velut agnos*

*Ferro consecuit truci.*



*Qui quodam fuimus numine trimuli  
Fratrum terribilem vidimus heu necem!*

*Planctus astra parentum  
Peruenere sub aurea.*

*Ægypto radij saluus ab infima  
Multos ante dies in patriam meam:*

*Hic autem duodennis  
Celestem veneror patrem.*

*Ad me candiduli currite paruuli:  
Viuendi specimen sumite nobile:*

*In sacram simul adem  
Hanc me concomitamini.*

*Admiranda Dei cernimus in domo:  
Doctores medio cum puero senes*

*Disce*

*Disceptant super illo*

*Messia memorabili.*

*Quàm prudenter inops verba facit puer!*

*Quàm solerter eis explicat abdita!*

*Nunc interrogat illos:*

*Nunc respondet acutius.*

*Doctos ingenium calitus inditum*

*Non longi senium temporis efficit:*

*Hic canus puer est bis:*

*Hi sunt his pueri senes.*

A N N V M E R A V I.

A N N O Q V O

Bis septem Phæbus, rerum pulcherrima bis sex


Roma capit, Lunæ quinq; ter orbis habet.

(1629)



CRACOVIAE.

In Officina Francisci Cæsarii.





GRACOVIA

in Olfactory and Taste



Biblioteka Jagiellońska



stdr0009192



